

Ո Ր Ո Շ ՈՒ Մ N 04

/վարչական վարույթը կարճելու վերաբերյալ/

«24» հունվարի 2024թ.

ք. Երևան

Հայաստանի Հանրապետության պետական եկամուտների կոմիտեի Երևանի մաքսային սպասարկման կենտրոն-մաքսատուն, վարչության պետի տեղակալ Աղասի Աղայանս, ուսումնասիրելով «Անիթեքս» ՍՊ ընկերության (ՀՎՀՀ՝ 04230116, հասցեն՝ ՀՀ, Արարատի մ., ք. Արտաշատ, Գործարանային 1) անվամբ հայտարարագրված ապրանքների մաքսային ձևակերպման փաստաթղթերը,

Պ Ա Ր Զ Ե Ց Ի

«Անիթեքս» ՍՊ ընկերության անվամբ թիվ 05100010/241220/0085950 ապրանքների հայտարարագրով «Ներքին սպառման համար բացթողում» մաքսային ընթացակարգով հայտարարագրվել են ԱՏԳ ԱԱ 3920 և 3207 ծածկագրերին դասվող ապրանքներ: Օրենքով սահմանված կարգով ԱԱՀ-ի վճարումը հետաձգվել է երեք տարի ժամկետով՝ մինչև 24.12.2023թ.:

ԱԱՀ-ի վճարումը սահմանված ժամկետում չկատարելու փաստի առթիվ 08.01.2024 թվականին ՀՀ ՊԵԿ Երևանի մաքսային սպասարկման կենտրոն-մաքսատուն, վարչությունում հարուցվել է վարչական վարույթ «Անիթեքս» ՍՊ ընկերության կողմից վճարման ենթակա մաքսային վճարների գանձման նպատակով:

ՀՀ ՊԵԿ Երևանի մաքսային սպասարկման կենտրոն-մաքսատուն, վարչության ՓՀ և ԳՀ բաժնի կողմից 23.01.2024 թվականին տրված տեղեկանքի համաձայն՝ «Անիթեքս» ՍՊ ընկերության կողմից 10.01.2024 թվականի դրությամբ ամբողջությամբ կատարվել է թիվ 05100010/241220/0085950 ապրանքների հայտարարագրով առաջացած մաքսային վճարների վճարման պարտավորությունը:

«Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 2-րդ մասի ա) կետի համաձայն՝ վարչական մարմնի նախաձեռնությամբ հարուցված վարչական վարույթը կարող է կարճվել, եթե՝ անձը, ում հասցեագրված է լինելու վարչական ակտը, վերացրել է օրենքի կամ իրավական այլ ակտի պահանջների խախտումները կամ պատշաճ միջոցներ է ձեռնարկել խախտումները կանխելու ուղղությամբ, և նման դեպքերում օրենքն այդ խախտումների վերաբերյալ չի պահանջում վարչական ակտի ընդունում:

Այսպիսով, հիմքում ունենալով վերոգրյալ իրավակարգավորումը և նկատի ունենալով, որ «Անիթեքս» ՍՊ ընկերության կողմից ամբողջությամբ կատարվել է թիվ 05100010/241220/0085950 ապրանքների հայտարարագրով առաջադրված մաքսային վճարների վճարման պարտավորությունը, գտնում եմ, որ ընկերության նկատմամբ մաքսային վճարների գանձման նպատակով հարուցված վարչական վարույթը ենթակա է կարճման:


Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 2-րդ մասի դրույթով՝

Ո Ր Ո Շ Ե Ց Ի

1. «Անիթեքս» ՍՊ ընկերության նկատմամբ հարուցված վարչական վարույթը կարճել:
2. Որոշման մասին օրենքով սահմանված կարգով իրազեկել «Անիթեքս» ՍՊ ընկերությանը:

Սույն որոշումն ուժի մեջ է մտնում դրա ընդունման մասին իրազեկելուն հաջորդող օրը և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադատության կարգով կամ ՀՀ վարչական դատավարության օրենսգրքով սահմանված կարգով՝ վարչական դատարան:

ԵՐԵՎԱՆԻ ՄԱՔՍԱՅԻՆ ՍՊԱՍԱՐԿՄԱՆ
ԵՆՏՐՈՆ-ՄԱՔՍԱՏՈՒՆ, ՎԱՐՉՈՒԹՅԱՆ
ՊԵՏԻ ՏԵՂԱԿԱԼ



ԱՂԱՍԻ ԱՂԱՅԱՆ